

nr. 270/Brest
04.04.2011



REPUBLIKA E SHQIPËRISË
Këshilli i Ministrave

Te pjestohet
Tj. detyruet:
- Kancelari
- Z. celit. Pepin
- G. G.
- Jurist.

V E N D I M

Nr.234, datë 23.3.2011

PËR

KRIJIMIN E UNIVERSITETIT TË ARTEVE

Në mbështetje të nenit 100 të Kushtetutës dhe të neneve 5, 9, 10, 41, 76 e 77, të ligjit nr.9741, datë 21.5.2007, "Për arsimin e lartë në Republikën e Shqipërisë", të ndryshuar, me propozimin e ministrit të Arsimit dhe Shkencës, Këshilli i Ministrave

V E N D O S I:

I. Krijimi dhe misioni i Universitetit të Arteve (UART)

1. Krijohet Universiteti i Arteve (UART), si institucion publik i arsimit të lartë, nëpërmjet riorganizimit të Akademisë së Arteve.

2. UART-ja ka për mision:

- ofrimin e studimeve universitare të ciklit të parë, të dytë dhe të tretë në fushën e artit e të kulturës;
- zhvillimin e mbrojtjen e dijeve nëpërmjet mësimdhënies dhe veprimtarisë artistike që kryhet brenda e jashtë vendit;
- formimin e studiuesve të rinj në fushat teorike të vlerësimit të artit e të kulturës;

- ç) thellimin e kualifikimit profesional e shkencor të specialistit të lartë në fushën e artit e të kulturës;
- d) kryerjen e kërkimeve shkencore për të zhvilluar e tejçuar artin e kulturën;
- dh) ndihmesën në rritjen e standardeve të demokracisë e të qytetërimit dhe cilësisë së shoqërisë, si dhe përgatitjen e të rinjve për një shoqëri të tillë.

II. Struktura e UART-së:

1. Në strukturën e UART-së përfshihen njësitë kryesore, si më poshtë vijon:

a) Fakulteti i Muzikës, me këtë përbërje si njësi bazë:

- i. Departamentin e kompozicion - muzikologji - dirigjimit;
- ii. Departamentin e interpretimit.

b) Fakulteti i Artit Skenik, me këtë përbërje në njësi bazë:

- i. Departamentin e aktrimit dhe regjisë së filmit dhe televizionit;
- ii. Departamentin e regji - scenografi - koreografi - teori e arteve.

c) Fakulteti i Arteve të Bukura, me këtë përbërje në njësi bazë:

- i. Departamentin e pikturës;
- ii. Departamentin e skulpturës.

III. Programet e studimeve të UART-së

UART-ja ofron të gjitha programet e studimit në të tria ciklet e studimit që ka ofruar deri tani Akademia e Arteve dhe çdo program tjetër, të miratuar në përputhje me aktet ligjore dhe nënligjore në fuqi.

IV. Organet dhe autoritetet drejtuese

1. Organet dhe autoritetet drejtuese të zgjedhura për strukturat e Akademisë së Arteve vazhdojnë mandatet e tyre.

2. Autoritetet drejtuese të UART-së janë:

- a) Rektori;
- b) Dekanët e fakulteteve;
- c) Përgjegjësit e departamenteve.

3. Rektori emërohet sipas pikës 2, të nenit 23, ligjit nr.9741, datë 21.5.2007, “Për arsimin e lartë në Republikën e Shqipërisë”, të ndryshuar.

4. Autoritetet drejtuese të zgjedhura të strukturave ekzistuese funksionojnë në përputhje me ligjin nr.9741, datë 21.5.2007, “Për arsimin e lartë në Republikën e Shqipërisë”, të ndryshuar, si edhe me statutin e UART-së.

5. Autoritetet e tjera drejtuese emërohen dhe funksionojnë në përputhje me nenin 23, të ligjit nr.9741, datë 21.5.2007, “Për arsimin e lartë në Republikën e Shqipërisë”, të ndryshuar.

V. Organika dhe financimi

1. Organika e UART-së përmban numrin e punonjësve të njësave, që integrohen në të dhe që përfshihen në numrin total të punonjësve, që janë miratuar për Akademinë e Arteve.

2. Financimi i UART-së, për vitin 2011, bëhet nga:

- a) buxheti i planifikuar për Akademinë e Arteve;
- b) burime të tjera të ligjshme.

3. Universiteti i Arteve ruan të drejtën mbi të gjitha asetet dhe fondet buxhetore që zotëron dhe disponon ish - Akademia e Arteve.

4. Universiteti i Arteve ka selinë në Tiranë, në godinën e ish - Akademisë së Arteve.

5. Universiteti i Arteve e fillon veprimtarinë për vitin akademik 2011 - 2012.

VI. Dispozitat e vendimit nr.414, datë 12.11.1991, të Këshillit të Ministrave, ku përcaktohet krijimi i Akademisë së Arteve, shfuqizohen.

VII. Ngarkohen Ministria e Arsimit dhe Shkencës, Ministria e Financave dhe Universiteti i Arteve për zbatimin e këtij vendimi.

Ky vendim hyn në fuqi pas botimit në “Fletoren zyrtare”.

KRYEMINISTRI

A handwritten signature in black ink, appearing to read 'Berisha', written over a horizontal line.

SALI BERISHA

MINISTRI I ARSIMIT DHE SHKENCËS

MYQEREM TAJ

A handwritten signature in black ink, appearing to read 'Taj', written over a horizontal line.

NR.PROT.997/1
DATË 30.3.2011

PRESIDENCËS
MINISTRISË SË ARSIMIT DHE SHKENCËS
MINISTRISË SË DREJTËSISË
MINISTRISË SË FINANCAVE
UNIVERSITETIT TË ARTEVE
QENDRËS SË PUBLIKIMEVE ZYRTARE

Gjergj LEZHJA
Sekretar Përgjithshëm



The stamp is circular and contains the text "REPUBLIKA E SHQIPËRISE" at the top and "MINISTRATË" at the bottom. In the center, there is a smaller emblem. A signature is written over the stamp.